



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД НАДИБЕРҢА

СИ" ИВ ЯЛЯХАНА НОПОЙ" СЕРТАБИВА"

Мэбета вадава" ила' панан' етри' мэква"! НЯРЪЯНА НЭРМ



№ 5 (5279)
2026 по'
январь иры'
31 яля

СУББОТА

Российская Федерация Ямало-Ненецкий автономный округ



2

Ея мяд' терм' несэймдавадо'



Сидяңг: Марина Ярой-тадтавы"

Мале сян по ямбан' мюсерта" илебей" мяд' тер" няд"маңэ ея мяд' капиталм ня"марпи". Тарця нядаңгосэйдо' Ямална" җардавна Нэрм' яна" нермбэртя' ватовна 2021 похона җадимдевы. Тюку ялэ" пиркана җока ненэця" тикым' няд"мяць мюсерць харто' мядодо' мэ"җа". Җокхандо' толаб", тет юркад вата мяд' тер" ненэй мятамдо' ня"мавы".

Теда' округна" җэвахана мэна" ерв" закон' вато' сер' ненэцие" е"эмня җадимдембада няд"ма хурка җэвам' несэйвана таславэдо',

хаця яңгамдавадо'. Тад нерня' Ямал' тер" ня"муванда «чумовой капитал»нд' мюня җэда" җавори" ханярина илебто' җод" җоб" толас" җэңгу". Тикы табеком' округна" нермбэртя' пидте"мяхананда мале мэйравэдасть.

Тарем' яңгамдавы «чумовой капитал» тер" тарця": 35 мяд' җу", сидя 30 ты" хобахат сэдвы сырэй ея, сидя таңы парасин ея, хор (кор), җопой кубометр' пир" мяд' лата", җобкарт еся тебсипой" мивы сидя хан. Яна" җардавна нюсавэй" илебей" мюсерта" ненэцяңг" тюку иры' 22 яляхад несэймдавы няд"ми мипа пяңгу".

Тандая' Пэ" хоё" няна мюсертахат тет мяд' тер" «чумовой капитал» нюбета няд"мадамдо' ня"амвыць. Тысия еркаремэтах" Севастьян няби Екатерина тикы' хавна тамна «Жилищный капитал молодой семьи» нядаңгосэйм' е"эймэхэ'. Хэвы похона сие ниць ирыхына нябимдей нюди' соявы. Ня"амвы падроти' сер' нюти' илесь хардад Аксаркахана тэмдаван' харваҗаха'.

Есявна манэць ея' мяд' капитал миртя – самляңг юр" ёнар" пир". Нэрм' тер" е"эмня округна" есь" пэнёсяңгад җадимдембидо'. Терданда җу", ея", хор", хан" тара". Ня"марпадидо' – җэрм яна" мел' ненэця" сэдыбада", мимбада". Пыдо' нянандо' тарця сер' манзаядандо' тара. Җадьбята несэймдавы ватом' җани' теневабто' тара. Таняна падвы" табеко" сер' сэдораңгу", хано мимбаңгу".

Галина Окотэтто' падвы

Ехэрана муно намдава"



Сидяңг: Сергей Зубков-тадтавы

Тюку илаңгана хусувэй җамгэм' едэй мутраха" тэврамбидо'. Мэта сё, тарабцо мал' несэйвана сертабидо'. Хэвы си"ив яляхана җод" несэй җавэ манэ"җадамзь.

3 стр. җа

Едэй җудонданадо'


Җармы" ненэциена" Советхана едэй җудонданадо' җадимясь. Кузьма Николаевич Ямкин тад нерня' округна" тиңгывна илена" вэсако", пухуци" илам' нерня' минренаңэ тараңгу.

Сидяңг: Анна Ялтигы' тавы



4 стр. җа

Хомана мяналя"



Ямалхана чуки 2026 пома – «Год здоровья». Маня" Пюл дяханана пуң җайвахана җука спортивный' мероприятия" шелтаңаш". 23-25 январьхана Талкахана Северное многоборьең дет тондюта спортхана мяналяш".

6 стр. җа

Ва''лэй не ңацеки

Нюдяко хардахана илена'' ңацекина'' ёльце пэдава''. Тад ңамгэхэв серм' пябто' нерня' ереберңа''. Округна'' пирувна минда'' пирдырма'' хавна ңарка яна'' пирт' тэворңа''.

Панаевск' хардахана тохол-кода Виктория Хороля тодо'' тэнз'' ңацеки'' е''эмня сертавы конкурсхана пирдырңась. Нюм-да «Экология – дело каждого». Самлянзимдей по' тоходанана «Экофокус» номинацияхана няхаромдэй ян' ха''амвыць. Тад-тавы сидяңгамда «Сохраним природу – сохраним будущее» нюмдевэдась. Ня''мавы ңуданда терм' мале пон' ңатевэдась.

Тандая' лимбя ирыхына тохолкулвандо' мюмня вада хэвысь: «Ңамгэхэв не ңацекаң' мядонзэйм' мипаңгу''. Паром-бари' мал'' ңобт' ма''лэвыць. Конкурсм' ня''амбада Роспри-роднадзорхад ненэць' товысь. Нянанда Ямальской район' прокурор, тамна ңани'' ерв'' товыць.

Виктория' небям' Екатерина Яптикым' хонрамбидамзь. Пыда тарем' ваде''ңадась:

– Небой по' ңэвы пирдырма-хад ненюми «планшет»м', тамна хуркари ңуда' тер ня''мась. Тикы конкурс теда' самлянзимдей по' ңэвысь. Небо' ңопой юр'' ю'' ёнар'' заявкам' тодо'' яхат ңэдаравыць. Мани' Вика' ня' мале сян манзаям' ңэдарабининзь. Ңоди'' сидяңг'', ты'' мякы'' няби нюдякоюм' ненюни сидяңг''. Тикы' нерня тарцяхат ехэра-ваць. Нюртей по' пирдырңась. Таремгав' мал' ңобкана хуркари'' пирдырмаха''на мэсетыва''. Едэй-



Сидяңг'': Анна Яптикы' тавы''

вана «Дыхание Арктики» кон-курсхана мяд' терсавэй' мэваць. Сидяңг, падта''ма, харе'' сертавы ңэдараваць. Нюдякоюм' ненюми нюдя пэвдей ирыхына сидя гран-прим' ханась. Нюбеди' «Ярче всех», «Эколята». Нюртейюм'

электричеством сяма', савадава' няю' ңа. Няби ям' сяма' нямна ңась. Тикаха-на школахана тохолкода'', садикан' ядэрта'' пир-дырңа''. Ненюхуюни' сидябты' тадтаңговам'

харвабтади'. Ниди', нюдяко нямди', янңамгэри вэнекомди' тадтамбасетыхы'. Та' – мяд' хэв-хы ңамдэдо', сыра' – ты'', мяд'', пя'', вэнеко''. Ңули'' нюдяко хасава нюхуртами тадтаңгурць мэтам' мэ''ман' харвасетыда. Тюку по' тамна ңокарка манзаям' ңэдараңгува''. Падта''ма мале сертаңаханзь. Проектм' сертаван' харвава''ма. Ненюни ня' ңули'' маининзь, тад нерня' тамна ва-ремда мэта.

Пыдара'' ңод'' ңацекыта'' ня' пирдырмахана ңани' мэсь пир''ңада''. www.экологиядело-каждого.рф сайтан' тюңгада''. Заявкам' сие ниць иры' нюртей яля' ңэсонд' ңэдара пиры''.

Анна Яптик' падвы



Несэйвана тохолко табедамбидо'

Тюменской государственной университетхана ханзер'' илебей Ңэрм' тер'' ненэцие тохоламбавам' таславы''. Тикы ватовнандо' тохо-ламбадидо' тохолковандо' пуд ман-зараванзь мякто' турта''. Ңани ё'' ня' ни'' сат''. Вадавнандо', пили'' нерде' студент'' нямна ибедорңа''. Нерняңы илаңганандо' минреванда серкато' ена''.

ТюмГу' профессор Ольга Заха-рова тарем' лаханавы, сертабададо' Арктика' няна манзараванди ңокамдава' няю' тидхалы. Ңадьбята пыдо' индо' ңу' сер' илебей'' ненэцие'' тохолкова илесь яхадандо' паңгдэда.

Тарем' е''эмняндо' няхар'' про-граммам' ңадимдевы'':

«Параллельные миры», ңыхы яхад тохолкова, ңэрм' тер'' илебей'' ненэця'' тохолковандо' мальңгана мяканандо' мэңгу'';

«Проводник» – хар''на'' яханана' манзараванда'' ненэцие тохолам-бава;

«Глобальный кочевник», тикы тохолковахана маня'' яна'' тер'' ңани'' ё'' тер'' няць манзара тара-ванда теневабцодамдо' хомбаңгу'', ңани'' ё'' тер'' няць тохолкода'', вадидо' тохоламбаңгу'', иландо' саир торомдамбаңгу''.

Тикы серто' тэри ханяхавад манэ''мэдо' ни ңа''. Малé сян по' ямбан' илебей ненэцие хонрамбавы'', нерняңы иландо' нямна ңэда'' харвабцудо' тасламбавы''. Проектм' минрена'' тарця иңут' пунры'': «Ңэрм' сей' няна ненэця'' иландо' яля' няри' ми''манда е''эмня харто' яханато' соявы'' яндó' серо ня''амбабто' тара. Тикы' е''эмня тохолкобто' тара. Тохолковандо' пуд яндó' сяр' ний илам' харто' савумдамбаңгудо'. Яндó' сяр' нийм' сянзь манзараңгу''».

Ңани яхад товы'' мядонда''

Самляңг ехэрана я' тер'' Ямалханана'' мядоңаць. Китай' няд товы'' студент'' Салехардахана манзаравы''. Школахана харто' вадахандо' ңацеки тохоламбиць. Тохолкозь ядо' Москва маркана ңа, МГУ нюбе''ңа.

Яханана'' ңацеки тохоламбавандо' хавна ңэрм' тер'' ила' саирм' торомдамбавыць. Тарем' Россия' тиңгэвна нюртей мэва' ңэдалёрңа''. Ненэй мяд'' хурка ңэвам' хардана'' хэв-хана ңэда'' ңэсыхына манэ''мэдонзь. Тальня' товамдо' небо' округна'' нермбэртя саву''мэда. Тамальңгана «Восточный вектор» олимпиадахана тет Салехардахана тохолкода ңацеки нерня' ха''амвыдаць.

Неноховавна Китай' тер'' школахана вадамдо' то-холамбада'' ңацекина'' е''эмня товы''. Яна'' тиңгывна кита-йской вадам' юкад вата сиднет школахана тохоламбидо'. Ңокханда тикы 1100 яна'' тер''. Таняңы ё'' вада'', иландо' саир'' 2023 поход школахана''на яңга урокахана тохоламбадаңэ таславы''. Маня'' яхадана'' таняңы ё'' ня' ңацеки'', сиддо' тидхалембада ңарка нидо' няць ңани' ңэдалёрмыць. Тарем' китайской вада тамна тяхасовна индо' ңут' ха''морңа, харе'' вададарев' мэць пиртадо'.

Галина Кинчина' падвы''

Ехэрана муно намдава"



Силант": Сергей Зубков" тадтавы"

**Тюку илангана хусувэй
намгэм' едэй мутраха" тэв-
рамбидо'. Мэта сё, тарабцо мал'
несэйвана сертабидо'. Хэвы
си"ив яляхана нод" несэй нэвэ
манэ"надамзё.**

Таня"ядванималынгана намгэм'
намдвахадани хар"ни техэ
паугханда нивась хамедамбю".
Тэри «Тёр»м' нубе"манда, не-
нэй ненэця" няхаюни' хыно"ма'
е"эмня таня" пивась. Сяхаринди'
сейхана поёда няхаюни'. Пы-
ди' вэва намгэм' нихинзё
манэ"лабтаугу". Падарканандо'
нод" падысь, муно намдаугуна",
манэ"тына". Ихиня ханзер" ненэй
ненэця" сё манэць сава нэвамда
нивась тасламбю". Хардахандо'
товани малынгана ненэця" мале
ма"лёвыць. Ихинани ненэй
нина" хыномандауэ тасламба
нока хибярим' манэ"манзё ни-
дамзё нате". Нани тэнз товандауэ
нинась тасламбю". Нока нини"
поугана ноб" сававна тенева
нями манэ"надам', някунда пив.

Хонрав: «Ненэй сёхо" инзеле-
ванзё тосан?» Нями ма"нив:

– Ненэй ненэця"нагав" хы-
нос"ним", тарця нэвэ тамна
манэ"мадавэадм'. Ихиня нули"
мэкадауэ тасламбив. Тovy"
хибярн" нока"нё", пыдо' вадам'
ехэрабто' нод" инзелеванзё
пэрнанё". Манзёван' няна-
ни юнета ненэй ненэця' няни
хынокаваб", нули" сава нэугу.

Ненэй ненэця" сата ненинга-
древ' мят' тэри вэрна". Ихи-
ня сава. Лохо' мюня терсяда
намдёрць' яугу. Нани тэнз"
нокамбой" нэвы". Няхаюна"
– Елена Хабиевна Уфимцева,
Нялма Семенович Няруй нерна"
няна надимяха'. Торомдавы
паны, малыци нихи' мэс". Маня"
нули" натевава". Намгэ' пиркана
масити' няд яха' энд' надимя,
лохо' мюй пэвсюмя. Няюнди'
сырап", яха' лаугхана нунарахан',
ит' сыртархан'. Тецьдауэ хан-
тарха. Тикыти' ирмания пыди'
сенасяда музыка' сер' хуркари
мууг" ха"мор"наха". Сарёуэ хэ"ня

то"олха нэсеты, нув' сармик"
мун" надимзеты". Намгэ' пир-
кана маханди' няна хад нумнэ
хая, мерця' выврё, яд"ма' сена",
ты" тоба" мун" надибелыд".
Нялма сёмда хана"махадаанда
лэрёнархава". Харе" вадава"
намдвава" сейхана пои. Тэхэ"на
нэдалёртарахава". Елена Хаби-
евна «Тёр» поэма' пелям' мэ
вадахана ваде"нась. Хоркэхэ',
ханебцёхо' нямна лаханаком'
хайналабтась. Сыртауэ ханзер"
няхаюна" сидна" маябтавам'
нива" хамеда". Пэдёдава" нэ-
калпадана" мале суса.

Пуна пин' тарпорта ядаб-
та"махадаани ненэцие хонрамби-
дамзё. Манэ"мыдо', намдвыдо'
нянандо' хурка нэвам' намти-
дамзё. Алла Вануйто мась:

– Ёльце савов. Маня"ми"мана"
малынгана сававна ниваць
хамедамбю", хурка нэвамда.
Тяхананда хусувэй мунди', сёди'
сейхана лимбикавна ха"мыд".
Ихинани хойхана мэвэрахадм'.
Сяхаринда няхаюна" пирнади'.

Окотэтто Тамара Очевна ха-
дава" ма"нисяв:

– Ехэрана мутра" нани' сава
нэвы". Нерцубт' тарцям' манэць
ехэрадамзё. Ненэй ненэця" нина"
пирнадо'. Мани' Алла Хосевна
ня' концерт" нэдарамбадани'
нини' на".

Тикы муноди', музыкар",
киноди' – мал' нэбато' нянана"
ехэрана мутра нэвы. Хибя-
ри вадам' ехэрабта но" тось
пирнада. Манэ"лабтамавыди'
хамеда пиртыда. Тикы' няю'
вадам' тенева ни тара". Сырмы"
ненэця" сани" янорэй' пейдо'
тобтамбидонзё. Ихиня, маси",
теда' манэ"лабтамавыди' нани
янорэй' сяхари' намдаугуна".
Нянди' сыраць нани яхана
нэрм' тер" ила' саирм' нерня'
минрена", сава иудм' нани'
мэтадо'. Няхаюна" тамна едэй
нэвэ намдимдеугуху'. Инзе-
леванзё нани янорэй' ханта-
дамзё.

Марина Яр' падвы

ОБЪЯВЛЕНИЕ

СВОИХ НЕ БРОСАЕМ
ВСТУПАЙ В РЯДЫ
РОССИЙСКОЙ АРМИИ

КОНТРАКТНАЯ СЛУЖБА
6 700 000 Р **4 000 000 Р**
ЕДИНОВРЕМЕННАЯ ВЫПЛАТА НА ЯМЛЕ

ПОЛНАЯ ИНФОРМАЦИЯ ПО ТЕЛЕФОНУ
8 (902) 816-11-90
8 (34922) 3-98-08
ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ

contract89.ru

Ямалхана СВО,
няна сайнорта"
ненэцие", мято'
тер" е"эмня
надимдевы"
няд"ма"



Интернет' мутравна сидна" хось
пирнада", тюкон' тюда".



Едэй нудонданадо’



«Няръяна Нэрм» редакцияханана” Кузьма Николаевич сава мядондава”. Нармы ниде няцэ минреванде серодо’ хахакуд нобкана тасламбангудо’. Маня” юнедо’ нерденаңэ нядандо’ намдортына”.

Үока по” тяхана округханана” нэрм’ тер нядабава’ е”эмня «Ямал-ню”на” я!» Ассоциациям’ сертацэ. Минрена манзаядо’ тодо ян’ тятро”на. Поңганандо’ нармы” ненэцие” Советодо’ нани’ тания. Тикы’ нямна хэвы си”ив яляхана юнм’ намдавацэ.

Нармы” ненэциена” Советхана едэй нудонданадо’ надимясь. Кузьма Николаевич Ямкин тад нерня” округна” тиңгывна илена” вэсако”, пухуци” илам’ нерня” минренаңэ тараңгу. Сяхаринда Кузьма Николаевич тэри намдэда ненэця” нисэ на”. Пили” нядавандада, нерня тэвравандада ненэцянда таясетэ. Теда’ тюку манзаяда нод” нянанда едэй ни на”. Пыда үока по” Тасу’ явхана «Ямал-ню”на” я!» Ассоциация’ правленияхана янда тер нядабисэ. Тикы манзаям’ сававна теневада. Ханзер” серо нерня” тидхалембавам’, хибяң’ лаханавам’ серокута сер’ тасламбиде.

Харта нод” иланда ямбан’ техэ яхананда Хальмер” Седе’ няна палытанаңэ тарасэ. Юкад вата си”ив по’ ямбан’ пыда ила’ ватом’ мадавы”, хадкэпявы” серо тидхалембисэ. Үока серм’ техэ паңгханда тэврамбидасэ. Нылана хэ”мяхаданда факторияхана манзарасэ.



Теда’ нармы ненэцие” Советхана пиванда манзаяда үока нэңгу. Серм’ теневаб”, нянанда нарка тоенанада яңгода.

Марина Марюй’ падвы

Нерняри’ пэрнадо’

Ямал’ тер” сёбар” ненэциена” варемдо’ мэцэ нерня’ миңа”. Тандая’ сиднет ненэцянд’ «Мастер спорта России» нювм’ ми”мыцэ.

Ненадумдавы” сёбардо’ тодо” хардахат на”, тодо” ё” ед’ пирдырча”. Минрена” серодо’ нани’ хуркари”. Тетдо’ пауэрлифтингхана ва”лэй”. Үопойдо’ гирия тю”у илабавахана ва”на. Пыдо’ Салаяңгарад’, Ноябрьск’, Губкинский’, Коротчаево’ хардахана иле”.

Тамна няхарто’ Людмила Лаптантер, Артём Окоэтто, Виктор Салиндер нэрм’ тер” сянакубцхат пере”.

Людмила Яр-Салая’ тер. Пыда мале сиднет по” пир” пирдырча. Нэрм’ тер” сянакубцха” школахана тохолкобта тэвыцэ. Тев’ ёльцянд’ үока мэва сита нерняна манэцетыва”. Тюрм’ яркыба, тубкам’ моёпа сацэ пирцетыда. Тюку по’ тубкам’ моёпавахана ненадумдавэдо’. Россия’ тиңгывна илена” ненэцие” помнандо’ сянакова’ мальнугана яңга таславы я’ хунат’ тубкамда мовэда. Сита тидхалембададанда Юрий Лаптантер тара.

Артём Пэ” няд на. Үобнэгэв’ округна”, Россияна” тиңгывна сянакосеты. Небой по’ Хабаровскхана пирдырпата хасев” поңгана нябимдей ян’ ха”амвыцэ. Ненадо нюмам’ нянда тюрм’ яркыбавахана ми”нацэ. Яңга таславы үокад’ тюрм’ яркавысь. Теда’ армияхана мэ. Сита Денис Лонгортов тохоламбасеты.

Виктор Самбург хардахад на. Пыда 2024 похона Ямалхана 14-15 потна” поңгана сюрамбахая няхар” мэва сармахана сямянхат наха” санавы”. 2025 похона тодо” яхат нэда” сёбар” пирдырма’ мальнугана «норматив»м’ мэвэда. Сита «Геолог»хана Григорий Окоэтто тидхалемби.

Пидте”мясавэй падар” сёбар” тидхалемдаба тю”уй нэвахы мякад надимясь. Ервадо’ нарка пэвдей иры’ сидя ю” матдомдэй яляхана пидтевыдасэ. Падарто’ ненадумда”ма № 327-нг. Тикан’ падвы” ненэцието’ нюбе «Министерство спорта РФ»’ сайтхана надимейдонзэ.

Анна Яптик’ падвы

Ялэхэ” манзабтёхова”

Тецэда паңона ненэця” тэри мяка”нато’ ни” намдью”. Манзаравандо’ хавна ихинандо’ пойда серодо’ пэрна”. Тикахад ноб” высылпэй нэвандо’ е”эмня естри’ пыхыдадо’ мэйрамби”.

Тюку по’ Сензувна илева пом’ мэ”нава”. Надьбятта тарця сер” няю’ үока сава намгэм’ надимдемби”. Надимдевандадо’ таянэ нани’ ни на”. Ненэцие” сенз нэва’ няю’ едэй лекар” мядо, сёбар” мэлви, тамна нани’ наво хамэдамбаңгу”.

Едэй пона” пэва’ сер’ округна” нэвахана мэна ервава” янда


тер” е”эмня #НидняБезДвижения серм’ пясэ. Вадаванда нобкарт ялямда тароси” ни мэт”, хусувэй яля’ пыхыдамда мэйрамбангу. Пыда Ямал’ терха” табеку: «Үобтики си”ни тотрев’ пыхыдада” высылпида”. Намгэм’ пэрмамда” няхата” ваде”нара”, манэ”лабтамбира”».

Нуданданава” ма”нисяв, мале сян по’ волейболан’, хоккеян’ хан”надм’. Сюрберцетыдм’. Тикыни хавна ныхыми залхана үокамдамбив. Надьбятта хаңгурмахад ехэрасетыдм’. Тюку похов” пыхыдами тамна поярка тохоламбаван, мэйрамбаван харвав.

Табекомда яна” тер” нёдалнадонзэ. Намгэм’ пэрмамдо’ ялэхэ” интернет’ муравна маниева”. Тодо” марад”, район” ерв” пыхыдадо’ ханзер” мэйрамбавамдо’ вадецэ паяцэ. Хардато’ тер” нямна нани’ лахана”. Хусувэй хибя” и’ вато!

Ненэциена” тид” нэда илам’ минреван’ харвава надя’ нади. Я”авлада” тецэдахарт” сиддо’ ни” таб”лабмю”. Ламбитаванзэ хантахав” харто’ вэва нумгад ехэра”, хой’ тердарев’ нобкад пихина мэсь торомбэй”. Пыдара” нод” нобтики ялэхэ” манзабтыда”. Манзабтёва – ил’!

Анна Яптик’ падвы



Сидяңг: Анна Яптик’ тадгавы

Хэңор" Вэхэча



Хэңор Вэхэча етри' мүсе. Пыда ңыхы яхад недамда минре. Тандая' мэвы ненда нянанда минренада ңамгэда мале ңока. Нисяда тада сидя мүдм' подерңа, ханода панэхэтата, ңаврахат тяхари' пан"ңа. Ыоб" мэва' яля' ямбан' мүсеңаха'. Яля пэвсюмзэ ңэсыхы'. Нендя ня мяти' пал"ңаха'. Недя тумда пята. Хэңор Вэхэча лакри' сёнзьяда есьмя, ваңган' хаця сюрамба миңа. Мякданда мале ңаха"на хая. Харта серката лахана:

– Ыыхы ян' хэхэртядм', тандая' мэвы нени мальңгана ханзер" тэклаңгудм'!

Серода ёльце"мяхаданда сяранда лым' нэкалңа, ңоб" пибти' сярм' мэңгусь, ңамгэ ңэса? Лакри' ңэдалёда' сенам' намда. Сянхана еся пелей инто' мун" тэри сяхабарңа". Тарем' сыртаханда ңари" хахая няхар" ңэдалёдам' манэ"ңа. Тикыда ңари" хэвувнанда хыңрадо'. Тад манэць теневанида ненэциеда ңэвы". Нито' нердена – Мурья Панто, пумнанда миндя – Мальця Хаса, няхаромдэйдо – Пансуй Вэхэля. Хэңор" Вэхэча' хэван' тэвыд". Лаханак тикыда пййда. Савовна манэ"пата – хибяхарт хэвхананда яңгодарха, няби сылавахананда теневанида лахана

ня"ңа. Хэңор" Вэхэча серота сер' ваде"яда, ханяд ми"мамда, нем' тандая' мэвамда. Тад тикахад Мурья Панто нянда тарем' ма:

– Нянана" мядоманзэ ту", хан' ни' тид", маня" ңэсыва" нули" хахаяко ңа. Мядоманзэ ту", лакри' ядэркар". Мяканд тад тикахад сит нивам' тэвраңгу".

Хэңор Вэхэча нита вато' сер' таслада. Пыда Мурья Панто' хан' ни' тий". Тад савовна ңамдаңгуць, ңамгэ ңэса – пыда сыра' ни' ңамдё ха"мы". Тад тикахад тэри тарем' ма"нив:

– Ха, ңани' ңамгэ сыра' ни' ңамдвэв"! Няни хан' ни' ңамды-ваци", теда' ңамгэми хадкэй"?

Тад тикахад Мальця Хасава' ханан' тий". Ыани' сыра' ни' ңамды". Тарем' сыра' ни' ңамдор-таханда хуркана тад сылаванда няхар" мядм' манэ"ңа. Ня"мыда нида ханодо' ңэдңа", мят' тю". Хэңор Вэхэча Мурья Панто' мят' тю. Мякана ңули" ядем-бадараха, серекабт' яля тэри лэярңа. Мяд' тер" малңэ няюнда сырңа". Мурья Панто нехэнда манма:

– Мядондадава" то, Хэңор Вэхэча – невхы ня"мэми нями. Едар" ханяна хая, ңамзадава", евэйдава" ңамгава"!

Хэңор Вэхэчам' ва"ав' ерт' ңабтадо'. Не' ямб' хыдым' хыңра, тиканда мюй' ңобкад тусавэй" ңамза". Илебця' ңамза", тудодо' тэри сарорта". Хэңор Вэхэча харамда нэкалңа. Ыамзам' маторпа пя, харда тикарихина лэн' теба. Иб" ңод" сэвхананда мание" тусавэй" ңамзам' ня"амбадараха, няби манэ"махананда хэдембэй" лым' ня"амби. Тарем' мэнаханда таминда ңамгэхэртм' ни ңав". Хонаванзэ ятналыд". Не Хэңор Вэхэчам' ңули" ёряка"я панэхэна синтада. Пыда тикан' минханда хонарэй". Ыамгэ' ёльцьңгана немада хая, ңули" ханимы. Тад юркванда, ңамгэ ңэса! Ыэвада пэмбад' сихина саркабтевы, тибей пэмбад' сивна ңэвамда ңэдабтавэда. Сейда хадита малхана хая. Ыэта ни' санэй". Ыока"я хальмер" поңгана мэвы. Минханда теняңы яд"мида манэ"ңа, тикавна мята няю' яда пяда.

(Пелямда ңадиманда газетахана толара")

Халэта тохона ңэвы сер"

Ензя' няна илена", тохол-кода ңацекы" харе" выңгана иле"мидо' няна" ваде"ңа". Антон Береговой Дудинка мар' нюртей школахана тохолку. Ханзер" та' ёр"мамда тарем' вэрдадась. Лахарёмда сидто' тохоламбада Раиса Пехедомовна тидхалембись.

Маня" та' ямбан' мүсерңаваць. Хуркари" ё манэ"цетыва". Нисянана" хурина ңэсында' яд тэрабасеты". Ыэсы' хэвхана нермя' то таяңгува, неро" ңока ңэңгува. Та' ядембадахана, неняңг" паңона поёрма нензел" ни ңа". Тадтикахад матормы неро" мят' минревадо' сянакова' сер" вуни ңа". Ханяңэхэна халэта" то" хэвха" ңэсурцетыва".

Ыобаңгуна сава халэта том' едьтеваць. Мани' ңарка няни ня' тикарихина то' няю' сюрамба тарамы'. Тад ит' сылавани', тэри хортерьяни'. Ид' ңылна хуркари" халя" тэри нямгадарңа", ңудахана ня"амва' то"олха". Мани' минхани' мякани' хаяни', ңамгэ



Сидяңг: Марина Григорівна. Art_rich / Shutterstock / Fotodom нид ханавы"

то"олха то' хэван' ңэсовава" серото' сер" ваде"ңами".

Ыоро"махадани' вадини" ня"амхая то' няю' ңани' хаяни'. Вадани малхана яберена есяхад сертавы салмңгана хатла"мада тая, луца вадавна блесна. Понхарт нидм' ңатен", минханда

сюдбьяко пыри теба. Янамбовна вадами нэкалпа пяв. Я' няю' минренахани лакри' вадани ензанда ныклы. Тиками пыри' ня' сихина блеснасавэй" хая. Вадани хатла"мам' ңули" сяңав, ет' сян сямбанани ханзер" мэңгув? Вадами тэри мунзипой" ня"амбив.

Ыарка няхавани тарензьяда ңули" сава. Ыавлаңэ ваданда малан' тарензья пэбтер-кая мале сян халям' ня"ма. Мань халэ хадана няхани тэри сырңадм'. Неноховавна блеснами сяңадм'.

Тебтад' няна нисяни ня' тикы тон' поңгам' пядани'. Яля' еркана поңгами ватаба пяни'. Халя мале ңока, сянхав ңарка пыри" еремы". Мякни то"махадани' нисями минханда вэнота мэңэ пыри ер"ңа. Тайкуд манзарана нисяхани сырңадм'. Ыамгэ' ёльцьңгана ңоб" пыри' сёнзья' мүд ңамгэхэв яберена ңадимя. Тад манэць тикы мань вада-ни яберена еся хатла"макоця, блеснакоми ңэвы. Нисями няни тада, блеснами сомбовна тикарихина халтав. Ыани тад нерня' вадаханани халядаванзэ ңули" маймбидм'. Блеснами пон' мэ"ңавась, сян ни ныклорцету". Тикы тоход вадахана мале ңока халям' хададамзэ. Небями хадавы" пыри" вэнона" мэңэ пиресятыда.

Раиса Яптунэ' падвы"



Хомана мяналя"

20 ГОД ЗДОРОВЬЯ
26 НА ЯМАЛЕ

Ямалхана чуки 2026 пома – «Год здоровья». Окружна ъадка ведв таньше таслаңаташ. Маня" Пюд дяханана пуң ъайвахана ъука спортивный" мероприятия" шедтаңаш". 23-25 январьхана Талкахана Северное многоборьең дет тондута спортхана мяналяш".

Вядкулодыш", ха"мудяш", шудвидяш". Нюңк, нэхэта" неша" шича дяляң мяналяш". Дюккат дюкат вата спортсмен" мянадмантуң мэты тоңаш". Талкахат мэна" хампляңк командан камна мяналта" Самбулкахат, Калпюккат, Красносельский, Тазовский районхат тоңаш". Шана'кота" Северное многоборьең дет ъайта" чет" спортхана пытатуң конудпиш". Нум ъадкамана чештан тупкам модюпеш ниш" мянал".

Таньше шана'кома выңкна дидина" нешади" дилхат ъычимы. Талям ъадтана" ъашки" таньше шана'комам ха'шаңоңа". Вядкулодыш, ха"модьш, шудвидяш спортсмены" дёдыше пимши". Њадка неша", ъашки'уди" тотуң шичитуң мян няханатуң мяналяш". Кукиты" Северное многоборьең дет ъайта



Татма: Андрей Пяк таттамы

спортхана куптаң тоходкоңа". Сергей Яковлевич Айваседо тамна нючаңэ, шеёв похотата Њэдм' чел" нешади" спортхана шана'ко чепьѡаш. Ха"модьш, вядкулодыш, шудвидяш хомана чедимяңа, талям четаң нюңкмана мяналя. Сергей Владиславович Пяк шеёв пуң чики спортан тоходку. Четаң пыта маньде таньше шана'комам хомана чедимяңа. Ха"мудта" шита мян нята" поңкна дёдыше нюңкмана ха"мудя, пыта дюккат вата" кану" ха"мѡа. Вядкулодыш, няхад ха"мхана ха"модьш ѡупчики хомана мяналяш.

Пуровский, районхана ѡука ѡашки" Северное многоборьең дет ѡайта" спортан тохотаңа". Њатмянтуң четаң спортмены" нюңкмана мяналяш". Хомана шана'комы", ѡайвахай местам' канамы" тотуң диплом', медаль няамѡаш". Њокна мяналдмэхэты" няхам-ты местам Калпюккат мэна" канаѡатуң. Нимимты местан Талкаң чел" спортсмену" команда – 1 каамдыт. Њайвахай местам Самбулкахат мэна команда канаѡата.

Дёдыше хомана кынуѡаш"

СНЕГИРЁК

Кынута", шодюта" ѡашки'уди" ѡопт ѡомаш". Талкахана Њэдм' чел" нешади" кынесу" нямна ѡайта «Снегирёк» нимита фестиваль мэ'ѡаш". Чики конкурс' кынута"

Чуки похона конкурсан шодюта", кынута" ѡашки" шанат калтыхит тоңаш". Њука ѡашки" Снегирёкан ѡомаш", дюккат вата" калытуң кынута", шичадю" шитчет ансамбль". Кукиты" нельчезѡ талдыша фестивальхана кынуमतуң.

Чикехана ѡотнаң дёдыше хомана кынуѡаш". Њашкиуде" шичитуң мян няханатоң эстрадный, народный' кынесу" мэш мяналяш". Њопшел фестивальхана хампляңк дюкат вата" кынас мэ'ѡаш. Мэмытуң кынесутоң чупей Њэдм' дяна нямна ѡаш". Куше кынумамтоң таньдет ѡайта жюри" тасдымпитоньш. Талкахат мэна" ѡашки'уди" тотуң шодюѡа", «Нумгиша», «Сава сё», «Сенгакоѡа», «Умка» фестивальхана дёдыше хомана мяналяш". Кадясамэхана «Романтик» нимита клубхана мансланна" ѡупчики кынуш тоходамытуң ѡашки'удетоң конкурсхана хомана кынуѡаш".

Калясамэхэт мэна" ѡашки'уди" шанат диплому" няамѡаш". Кашемдю" – ѡупдяңкня потуң ѡайта ѡашки" поңкна Калпюккат мэна" ансамбль «Кынас» хомана нешаң ватамана кынумантуң деэмня диплом лауреата I степени няамѡаш, эстрадный" кынесу" мэш няхамты местам канаѡаш". Њука ѡашки" хомана кынуѡаш". Вильта", хома номератуң Гала-концертхана ѡычимчейтоньш. Фестиваль «Снегирёк» шанат дяхат мэна" шодюта", кынумам чедимяна ѡашки'уди" ѡопт ѡомштомаң мэт шелтамы. Чики конкурсан мяналта" майпеш тошту". Фестиваль хитай. Њопшел няхалдю" мат' призовой' места". Шодюта", хомана кынуумы" ѡашки" тотуң диплому" няамѡаш".

Чуки похона Снегирёк фестиваль пиди ѡадка мячисэм – Гран-при Алёна Драп канаѡата, шита кынуш тоходамы ДШИ-хана имени И.О. Дунаевского манслана Людмила Колтунова.

ѡашки'уди" дет тасламы, ЦНКхана шичадяңкня мэмаң шелтаматуң. Тадят чики фестиваль тадя, понантуң нельчезѡ Снегирёкхана кынуумы" четаң маньде манслаңа", ѡашки'уди" кынуш тоходымпи".



Татма: Андрей Пяк таттамы

Їардалё

Тюку ямидхы лаханако Ензя' няна Усть-Енисейской районхана илена ненэцяңгад намдавы. Вадандо' хэтыр" хаця яңга. Толаңгобта", инзеленарахада" ңэңгуда". Вадидо' лаханавандо' сер' падвы".

Їардалё хаданта ня сидямбойңэ илевэхэ'. Сяны ңэпту ңод" Їардалё улюку ханкочам нюдэрчэ тари ян ядалй". Танянанта хуна-нанта тэхэна мэна ңэдалёда ненэчаи" мядым хо. Мядым хомаданта мюд сехэры мюмня ядалй". Ов, ңоб хальмяруту хавы. Чикы хальмяр пэмбадм чу нэда. Тандая сюрмы нэвы, падвы сокм мэмы. Їардалё падвы сокм нялкэңада, серада.

Чикы мюд сехэры мюмня ңани ядалй". Сехэры мюмня ядванта сер, ов, ңани ңоб ненчату хавы. Хальмяр пэмбадм тэяңада, пухуча ңэвы. Пухучам нюдерта ханкочанта мю чипчеда, тад ядалй".

Чаханяю хоямта мада, чаханяны хэвхана яв вар ңэвы. Харад" ңадей". Харад" тальняңы хэвхана ямгад танана пендмея ңэвы. Пендме мал някуна мяд" ңэвыей", ңочей". Няхар" юдмян.

Їардалё хэноду ян хальмяр пухучамта ңапта хаеда. Мядо" ня ядалй". Мят чу. Еркы мят чу, ерванту мят. Пухучанта ня сидямбояха' няби вавхана. Няби вавхана сидя не ңачеке, няби ңарка, няби нюдя. Їардалёр ваван ңамды", манма:

– Мань ядембада туридами пюрңадм. Чедав тудами хорхадм, саво ненчанта" ңэхэвабнанта".

Вэсаку манма:

– Тудамт хо" ни нув.

Едду пина. Едамта чедада. Їолы" ңод" Їардалё ярума. Ярчэ манма:

– Маньчван ңорңадэйм, хадаеми мэн харванакыей", ханимтакы. Мясавэй няда манма:

– Хадар хуняна мэ?

– Тайкуй хэноду я ни ңаптавась, мадамчэ сидяңэ ненэча" мят сидни' нипчу" чуле". Їадьбяни хаевась.

Мясавэюм манма:

– Не ңачекэяха' хадамчи' хоңамчи', нёя ханив".

– Не ңачекэхэ' нидим лэраптаңгу", лэрёсэ-ты. Лэрёбата хаңгу. Їэя, мань хосакэв.

– Авытар, тарси" ңолын. Чиканта ңачекэхэ' хопчи' лэрюамта чеда нидим намт", янапакковна нихим хант", сянат санартаңаха'.

Тад не ңачекэяха' хаяха'. Няби нюдя ңэ" нив, нянта нерня сюрмбасэтей". Няби манчэты:

– Пухучам нён лэрапта"! Амгэн сюрберңан?

Ханан ңо" тэвъяха'. Няби ңачекэя сюрба-ванта сер мантэй". Тад чикад хансавэй пухуча хэ ваңган марнарида хая, таминта сэя.

Мят тоңаха'. Няби ңули" пёдорчеты, манчэты:

– Нёр" маңадамчэ, пухучам нён лэрапта"! Лэрюванта сер" нив ңа".

Мяканчи' тэвъяха'. Їаркаюм манма:

– Хадами нями лэраптада. Хэ ваңган мантэй" лэрюванта сер.

Їардалёр ярума, ма:

– Нер" мадамченю", мань хэпсакэдм. Амгэ сими табламбсан? Хадами нисэ хаңгу" чеда.

Мясавэй ерв манма:

– Їаркаюм не ңачекым хадант ейңэ недант мэир. Вавдар чаханя ми", чаханяна иле"! Їардалё ярачэ ңэвадэй". Тахабе неданта мэда няби не ңачекым.

Тад чикад Їардалё серката мядм мэла. Їоб по ңэсоңгана недя хасава ңачекым хо.



Їардалё ни ядерчету", ет пихиня юсидасэ-ты. Ялэда тароси" маторпида. Пихиня хан ниня юсидасэты. Чикы ненэча" хаби" ңэвы". Хабей ервота ңэвы чикы мясавэй няда. Тыду пэрңахаюду харичи' илеңаха', сидямбой не-нэчэ. Яв вархана ңамды". Чаханяңы хэвхана харад" таня", ңокая харад".

Хабей ервота манма:

– Їардалё, тад нерня пядамт хибярт ни пэрт". Харет пядамт вэнекохона тэвабаин. Вэнекохона тэвабю"! Пядар мят харт хос"! Їардалё манма:

– Мань поёрчэ ехэрадм. Неми хэпсакы. Їардалё не хая. ңачекэмта пебяханта хае-да, сеней няби не ңачекэн.

Ма:

– Няр лэтбад!

Нарэй пядамту пэрңа". Їардалёр ңани хан ниня юсида. Мякана ңачеке ярмонта, небяда поёрңа. Не ңачекэр ңачекым тарем мансаптамбавонта, мамононта:

– Їардалё хальмяр пухучавна недамта нельчесь.

Не ңачеке тарем ярмонта. Їардалё мят санэй", манма:

– Амгэ тарем лаханан? Нямюр ңадимче"! Не ңачекэр нямюмта ңадимчеда. Тад нэкалңада ңани, хархана нямюмта паха-мананта мадада. Не ңачеке чикана ңамды, вэида пиня ни" ңадив".

(Пелямда ңадиманда газетахана толаира")

«Ненецкий фольклор» толаңгобцэ' мюд ханавы. 1976 похона Таймыр' няна Тухард' тер, Ямкина Мария Николаевна' ваде"мы, няданда К.И. Лабанаускас' падвы

Хобцоко”



Сидяңг: Анна Ялтиг талтавы

Сидяңг: Марина Яройг талтавы

Редакцияна” терңэ тодо”
яхат турта” Ямал’ яна” тер
сяхари’ савуцетына”. Нено-
ховавна пон’ нивы манэ”мы”
нина” тоб”, маймбасетыва”.
Лимбя’ иры’ еркана цопой те-
невана нява” сидна” вэде”манзы
тюңгась. Тикы Худи Владимир
Иванович

Пыда 2026 похона толабаванда
газетадамда тэмдаванзы турңась.
Тикыта сер’ минрена манзайта
нямна лаханась:

– Теда’ мань Яр Михаил
Едайкович’ марцьхэңэ тарадм’.

Манзаяханана” Россия’
ңардавна Ты пэрти” союз’ серо
нерня’ тидхалембива”. Луца
вадавна манзарась ями «На-
циональный союз оленеводов»
нюбе”ңа. Президентва” – Ми-
хаил Едайкович. Пыда хахаяда
ялэ” пиркана сертавандада цока.
Нерде’ Ханты-Мансийскан’
хаясь. Таняна ты пэрти” серо
ня”амбада нида няць тасалкур-
та. Пуна Ензя’ нямна цэдалёрта.



Сидяңг: Марина Яройг талтавы

Җани’ ты пэрти хомбаңгу, тое-
нана серото’ таняб”, харта те-
невабцута сер’ табедамбаңгуда.
Таймыр’ нямна ядэрманда
пуд Иркутскан’ цэдалаңгу.
Ты пэртидо’ цобтикы таня”.
Тэхэвадо’ тянёрка. Техэ я’ тер”
тэнзувнандо’ бурят”, эвенк”,
тофалар”. Таняд Анадырьхана
сита цатеңгу”. Чукоткахана
тыдо’ пэрта” ненэцие лахана
нята. Җани’ сиддо’ хонрамбаңгу.
Сямяңхат пуда февраль иры’ 19
яля’ пиркана Мурманскхана
манзараңгу.

Худи Владимир тадри’ вынд’
хэванзы мэ. Небяюта, нисяюта
цэсын’ цэдалёрта. Пыди’ Яр-
Саля’ терха’. Теда’ Нядаңгарад’
няна сырэй мэлваханати’
мэңаха’. Редакцияна” цэвахана
мэна Марина Тэтакучевна
мядонзэйданди’ газета ми”ңась.
Нисянда нямна сава вади мэ”ңась:
«Иван Паривич - цобтикы маня”
тенева на нява”. Пэвсюмя’ няна
толаңгованда е”эмня газетадамда
цэдабтамбива”».

Ти’, тарця мядондахадана”
едэй юне намдаваць.

Галина Окоэтэто’ падвы

Таслара”,
хурка вада”
сюры”?



ДА

,



,

Х



Б

ЫЦЬ

П



Татьяна Сэротэтто’ сертавы”

| | | | | |
|--|--|---|--|---|
| Газета «Няръяна Нэрм» | Главный редактор Яр Марина Тэтакучевна | И. О. ГЕНЕРАЛЬНОГО ДИРЕКТОРА АНО «Ямал-Медиа» Каврук Татьяна Ивановна | № 5 Подписано в печать 29.01.2026 г. Вышла в свет 31.01.2026 г. По графику: 16.00, фактически: 16.00. | ПОДПИСНЫЕ ИНДЕКСЫ: на год – ПА701, на полугодие – ПР562. |
| Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708). | | | Тираж 3600 экз. | Цена годовой подписки 166 руб. 84 коп. |
| Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708) | | | Заказ № 9 тз (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д. 1, каб. 106 | В розницу не распространяется. |
| Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559 | | | Фактический адрес: 629007, Ямало-Ненецкий автономный округ, г. Салехард, ул. Чубынина, 39А | Адрес редакции: 629003, ЯНАО, г.Салехард, мкр. Богдана Кнунынца, д. 1, каб. 106 тел. +7 (349 22) 4-53-32 |
| | | | Газета выходит по субботам. | E-mail: nn@yamal-media.ru |